

Африканск тустан баядг государствсин конференц болджана

АККРА. Апрель 16. (ТАСС-н шишлнъ корреспондент). Гана парламентин герт биклдур секгдсн Африканск тустан баядг государствсин конференц Гана, Либерия, Ливия, Марокко, Арабск Ниислн Республик, Тунис, Судан болн Эфиопия орлцджана. Тюр хагъллгънд орлцх даалгъвр угагъар Алжирин элчир бас конференц баянн. Конференц правительствин кемджанд болджана. Гана делегациг премьер-министр Кваме Нкрума толгъалджана, Либерин делегациг—президент Тамбоз, Эфиопин делегациг—принц Сахле Селассие толгъалджана. Наадк орн-нутгуднъ конференц эвранны газдин керг-тюрин министрмудан илгядж.

Конференц орлцгч орн-нутгуд бийсан сонъсулджах политическ, экономическ, социальн болн культурн тюрмудар хоорндан селгян авлцдж, тер тюрмудар хоорндан ниигъар хамцдж кыллхин тюрла ул болгч хаалгъ олдж авхар эн конференц хурагдджана. Конференцин заседаниг эклдж келсн эвранны йбралин угдан Гана делегацин толгъач Кваме Нкрума, Африкин тустан баядг государствсин элчир тууджд турун болдж илгядж хамдан цуглрдж, „ингълдж, ах-дур болдж, нег ухан-седклат, хамцдж кыллхин тюрла хоорндк баядлан улм батрахар“ седджанн гилж темгълдж келв. Эн орн-нутгуд кесг удан цагин туршарт газдин мухлаллгъна менъ болдж тюрджал, болв ода цаг онъгдарв, эн орн-нутгуд эвранны олн дунд баях тюрин тускар илнн кундлар цуглрв гилж эн заадж келв.

Эн конференцин бин зогсджах тюрин тускар келхларн Нкрума, наамн орн-нутгин элчир хоорндк залгълдагъан токтадж, эвранны тустан баялгъан харсдж батлхин туск тюрн, экономическ болн культурн залгълдагъан батлхин туст, тюркнун баялгъиг донънхин туст, бас тер мет туургсн орн-нутгудиг зерзеван агслгънас гаргътн, нарт делкаг курлтас гетлгтн гилж дуудвр кехин тускар хоорндан селгян авлцхар цуглрцхавдн гилж герчлв. Азин болн Африкин олн-амтсин кегч келн-амтни сулхврин ноолдана эрки девснгудин тускар Нкрума заадж келв. Африканск олн-амтс ухан-седклан негдурлдж, хамцдж кыллгъиг цуг халхарн делгрулдж, эн орн-нутгудин газрин

орин зюрриг саянар дасдж, меддж, хамдан олэлдг кехин гилж эн келв.

Цуг нарт делкад тюркнун баялгънн кергин тюрла, цуг зусн колониализмиг ундсарн уга кех—гол тюр баянн гилж Нкрума цаарандн келв. Мухлаллгъна системин донънги шин янзс болн эв-аргъс ода гаргълна гилж тер келв. „Африкас гаран автн! Африк сулдан баях зовта!“—гилж Кваме Нкрума эвранны уган тюрскав

Орун заседань деер босаж уг келцхасн цуг делегацин толгъачир, цуг зусн колониализмиг нег дуугъар бурушадж, ода кучсн тустан баялгъан батлдж, эвранны сулхврн ода чигн кучад уга африканск наадк олн-амтс цугъарандн донъ болхин тюрла кучан хамцулхн гилж дуулцхав. Колониальн системин цуг анъгсин бинн ноолдхин тюрла эвранны кучан африканск орн-нутгуд цугъар сулцлшгон тускар цуг угмудт келгдв.

Алжирск олн-амтнн туст тус йилгъан санан зовгч угмуд келгдв. Мана тувин кесг райодар ода бийн колониальн политик догшрхад баянн гилж Ливин газдин керг-тюрин министр Вахби Аль-Бури эвранны угдан келв. Алжир гисн—мана тувд харнъгъу орм болджана. Алжирск олн-амтсиг каалдж аллгъна политикиг сюрдж, эвранны санджах ухагъан илнн келцхатн гилж Африкин цуг орн-нутгудиг Ливия дуудджана. Бидн эвранны кучллгъан негдурлад, цугъар алжирск олн-амтнн донъ болх зовтавдн.

Мароккон газдин керг-тюрин Министр Ахмед Балафредж бас иим герчллгъ келв. Алжирск олн-амтнн келжях ноолдан зовта, чик ноолдан гилж эн келв. Алжирт болжах дан—тюркнун баяхд аамшг узурлад, Северн Африкин орн-нутгуд хоорндан хамцдж кыллхд саалтг болджана. Африк серглгън—мана цагин эргин туургсн уулдвр болдж гарчана. Бандунгин принципиг бидн чик гилж донънджанн дн, хоорндан нокцдж, нег негндан донъ боллцдж баялгъиг батлхд бидн чидлан бгннавдн.

Хоорндан экономическ донъ боллцлгъна туст нарт делкан агъуд эвранны уулдврн хамцулдж кехин туск тюрт делегацин толгъачир икар онъган бгч келцхав. Тер туст тус йилгъан аргъинн хаяхн гилж тедн дуудвр келцхав.